



კავკასიის უნივერსიტეტი  
კავკასიის სახელმწიფო მართვის სკოლა  
სადოქტორო პროგრამა



საგანმანათლებლო პროგრამის დასახელება	
საერთაშორისო ურთიერთობების სადოქტორო პროგრამა	
საგანმანათლებლო პროგრამის დასახელება ინგლისურ ენაზე	
PHD Program in International Relations	
უმაღლესი აკადემიური განათლების საფეხური	
დოქტორანტურა	
საგანმანათლებლო პროგრამის ტიპი	
აკადემიური	
სწავლების ენა	
ქართული	
მისანიჭებელი აკადემიური ხარისხი	
ქართულად:	0312 საერთაშორისო ურთიერთობები
ინლისურად:	0312 International Relations
სადოქტორო პროგრამის ხელმძღვანელი	საერთაშორისო ურთიერთობების დოქტორი, პროფესორი სერგი კაპანაძე
პროგრამის დამტკიცების თარიღი	
<p>დამტკიცებულია კავკასიის უნივერსიტეტის პრეზიდენტის ბრძანებით: N01/01-15, 08.04.2020. განახლებულია 2021 წლის 9 მარტს, კავკასიის უნივერსიტეტის ბრძანებით #01/01-17. განახლებულია უნივერსიტეტის პრეზიდენტის ბრძანება N 01/01-93 (27.12.2021).</p>	

საერთაშორისო ურთიერთობების სადოქტორო პროგრამის მოცულობა კრედიტებით	
<p>საერთაშორისო ურთიერთობების სადოქტორო პროგრამა მოიცავს პირითადი სწავლის სფეროს სავალდებულო და არჩევით სასწავლო კურსებს (60 კრედიტი) და სამეცნიერო-კვლევით კომპონენტს (დისერტაციის დაწერა და დაცვა). დისერტაციის დაცვის ერთ-ერთი წინაპირობაა დოქტორანტის მიერ საერთაშორისო რეფერირებად სამეცნიერო ჟურნალში სტატიის გამოქვეყნება. სადოქტორო</p>	

პროგრამის სტანდარტული ვადა შეადგენს 3 წელს. პროგრამის მაქსიმალური ვადაა 5 წელი. სასწავლო წელი აგებულია სემესტრული პრინციპით: შემოდგომისა და გაზაფხულის სემესტრებით. სემესტრი მოიცავს 20 კალენდარულ კვირას, შესაბამისად, სასწავლო წელი დაგეგმილია 40 კალენდარულ კვირაზე.

1 ECTS კრედიტი უდრის 25 საათს, რაც მოიცავს, როგორც დოქტორანტის საკონტაქტო დატვირთვის დროს (ლექცია, სემინარი, პრაქტიკუმი, ხელმძღვანელთან კონსულტაცია და სხვა), ასევე მისი დამოუკიდებელი მუშაობისათვის განკუთვნილ დროს (სპეციალური სამეცნიერო ლიტერატურის მიმოხილვა, თემის აქტუალურობის დასაბუთება, კვლევა).

პროგრამის ვადის ამოწურვის შემდეგ აკადემიური დავალიანების მქონე სტუდენტს უფლება აქვს საგანმანათლებლო პროგრამის დასრულების მიზნით სწავლა განაგრძოს დამატებითი სემესტრების (არა უმეტეს 4 სემესტრი) განმავლობაში, სტუდენტის სტატუსის შენარჩუნებით. სასწავლო წლის განმავლობაში დასაშვებია 60-ზე უფრო მეტი ან ნაკლები კრედიტების დაგროვება, წინასწარ შედგენილი გრაფიკის შესაბამისად

### **საერთაშორისო ურთიერთობების სადოქტორო პროგრამაზე დაშვების წინაპირობა**

საერთაშორისო ურთიერთობების სადოქტორო საგანმანათლებლო პროგრამაზე სწავლის უფლება აქვს არანაკლებ მაგისტრის ან მასთან გათანაბრებული აკადემიური ხარისხის მქონე პირს, ვისაც გააჩნია მინიმუმ 2 წლიანი სამუშაო გამოცდილება ან/და 2.5-ზე მეტი GPA სამაგისტრო საფეხურზე. პრიორიტეტი ენიჭებათ პოლიტიკური მეცნიერების, საერთაშორისო ურთიერთობების, საერთაშორისო სამართლის, ევროპული კვლევების, საჯარო მმართველობისა და ეკონომიკის მაგისტრებს.

დოქტორანტურაში ჩასარიცხად კანდიდატს ევალება:

- წარმოადგინოს სამოტივაციო წერილი და რეზიუმე;
- წიგნის ან სამეცნიერო სტატიის 1-2 გვერდიანი მიმოხილვა-ანალიზი (აპლიკანტმა უნდა მიმოხილოს ნებისმიერი წიგნი ან საერთაშორისო რეფერირებად ჟურნალებში გამოქვეყნებული სამეცნიერო სტატია საერთაშორისო ურთიერთობების სფეროდან, რომელიც მან ბოლო დროს წაიკითხა. მონახაზში უნდა აღნიშნოს რას ეხებოდა, რა ისწავლა, რატომ მოეწონა/არ მოეწონა და რამდენად რელევანტური იყო გამოყენებული კვლევის მეთოდები, ასეთის არსებობის შემთხვევაში);
- წარმოადგინოს სადოქტორო კვლევის წინასწარი მონახაზი (პროსპექტუსი);
- საერთაშორისო ურთიერთობების სადოქტორო საგანმანათლებლო პროგრამაზე დაშვების აუცილებელი წინაპირობაა ინგლისური ენის ცოდნა მინიმუმ B2 დონეზე, რაც უნდა დასტურდებოდეს წარმოდგენილი სერტიფიკატით (ენის ცოდნის დამადასტურებელი სერტიფიკატის არქონის შემთხვევაში ინიშნება შიდასაუნივერსიტეტო გამოცდა); სერტიფიკატის წარდგენისგან კანდიდატი თავისუფლდება, თუ მას ინგლისურ ენაზე ნასწავლი აქვს საზღვარგარეთის უნივერსიტეტში (მინიმუმ 1 სემესტრი), ან დასრულებული აქვს ინგლისურენოვანი საბაკალავრო, ან სამაგისტრო პროგრამა;
- კავკასიის უნივერსიტეტის სახელმწიფო მართვის სკოლის მიმღებ კომისიასთან გასაუბრების წარმატებით გავლა.

სადოქტორო პროგრამაში ყოველი მიღების გამოცხადების წინ განახლებული პირობები და ვადები მტკიცდება სკოლის საბჭოს მიერ და ქვეყნდება უნივერსიტეტის ვებგვერდზე.

**საერთაშორისო ურთიერთობების სადოქტორო პროგრამის მიზანი**

პროგრამა შეესაბამება კავკასიის უნივერსიტეტის მისიაში ასახულ მიზნებს და უზრუნველყოფს კვლევებზე ორიენტირებული სწავლების და სწავლის დანერგვით ადგილობრივ და საერთაშორისო შრომის ბაზრებზე კონკურენტუნარიანი, მაღალკვალიფიციური, ზნეობრივად სრულყოფილი, დემოკრატიის იდეალების მიმდევარი სპეციალისტების მომზადებას და ამ სფეროში საზოგადოების-საგანმანათლებლო მოთხოვნების დაკმაყოფილებას. საერთაშორისო ურთიერთობების სადოქტორო პროგრამა შემუშავებულია ოქსფორდის, ამსტერდამის, ვარშავის და ცენტრალური ევროპის უნივერსიტეტების შესაბამის პროფესორებთან კონსულტაციების შედეგად.

პროგრამა ამზადებს საერთაშორისო ურთიერთობების მაღალი დონის მკვლევარებს და ექსპერტებს, რომელთაც შეეძლება მეცნიერული მიდგომებით რეგიონში და მსოფლიოში მიმდინარე პროცესების კვლევა. პროგრამის მიზანია, დოქტორანტმა შეძლოს სიღრმისეული კვლევის ჩატარება და საერთაშორისო ურთიერთობების სფეროში ახალი ცოდნის შექმნა. საქართველოში თანდათან იზრდება მოთხოვნა საერთაშორისო ურთიერთობების თეორიულ დონეზე მცოდნე კადრებზე, რომლებიც კვლევებზე იქნებიან ორიენტირებული. ასეთი კვალიფიციური სპეციალისტების არსებობა მნიშვნელოვანია როგორც სამეცნიერო-კვლევით ორგანიზაციებში, ისე სახელმწიფო ორგანოებში, უმაღლესი განათლების დაწესებულებებში, ასევე რეგიონული და საერთაშორისო მასშტაბის საერთაშორისო ორგანიზაციებში. სადოქტორო პროგრამის მიზანია თეორიული საფუძველი შეუქმნას და განუვითაროს სასწავლო-სამეცნიერო-კვლევითი საქმიანობისათვის აუცილებელი უნარ-ჩვევები და მისცეს მათ დარგისთვის საჭირო შესაბამისი თეორიული ცოდნა. სადოქტორო პროგრამის კურსდამთავრებულს ექნება შესაძლებლობა გამოიყენოს თანამედროვე კვლევითი მეთოდები და საუკეთესო სწავლების მეთოდები. ამასთან მოახდინოს მიღებული თეორიული და პრაქტიკული ცოდნის სინთეზი. მოცემული პროგრამის წარმატების განმსაზღვრელი ერთ-ერთი ფაქტორია უნივერსიტეტში მიღებული თეორიული და პრაქტიკული ცოდნის კომბინირება გამოცდილების მიღების დროს. კერძოდ, დოქტორანტებს ექნებათ შესაძლებლობა სხვადასხვა მიმართულებით დაიწიონ მეცნიერული სამუშაოები და გამოავლინონ თავიანთი პროფესიონალიზმი, მიიღონ ადამიანებთან საქმიან გარემოში ურთიერთობის გამოცდილება, რაც გარკვეულწილად მათი წარმატებული სამეცნიერო და აკადემიური კარიერის საწყისი საფეხური იქნება.

საერთაშორისო ურთიერთობების სადოქტორო პროგრამის მიზანია მოამზადოს საერთაშორისო ურთიერთობების დოქტორი, რომელიც:

1. იცნობს საერთაშორისო ურთიერთობების დარგის უახლეს მიდგომებს და სისტემურად და კრიტიკულად იაზრებს სპეციალობის თემატიკას ინტერ-დისციპლინურ ჭრილში.
2. პროფესიულ და ფართო საზოგადოებას ადგილობრივ თუ საერთაშორისო დონეზე წარუდგენს საერთაშორისო ურთიერთობების სფეროს შესახებ სხვადასხვა აქტუალური, რთული და წინააღმდეგობრივი იდეებისა და მიდგომების კრიტიკულ თუ სინთეზურ ანალიზს და მონაწილეობს თემატურ დისკუსიებში.
3. დამოუკიდებლად ახორციელებს საერთაშორისო ურთიერთობების სფეროსთან დაკავშირებულ ინოვაციურ კვლევით ან პროფესიულ პროექტებს, ხელმძღვანელობითი, აკადემიური და პროფესიული კეთილსინდისიერების დაცვით.

**საერთაშორისო ურთიერთობების სადოქტორო პროგრამის სწავლის შედეგები**

**ცოდნა და გაცნობიერება**

**სწავლის შედეგი 1:** გადმოსცემს საერთაშორისო ურთიერთობების სამეცნიერო დისციპლინის ღრმა, სისტემურ, თეორიულ და პრაქტიკულ ცოდნას; განმარტავს საერთაშორისო ურთიერთობების კლასიკურ და თანამედროვე თეორიებსა და კონცეფციებს.

**სწავლის შედეგი 2:** აღწერს საერთაშორისო ურთიერთობების ძირითადი აქტორების ინტერესებს, მოტივებსა და მიზნებს. ასევე, კონფლიქტის ძირითად წყაროებს და მნიშვნელოვან ისტორიულ და თანამედროვე სადავო საკითხებს.

**უნარი**

**სწავლის შედეგი 3:** აანალიზებს და გადაჭრის საერთაშორისო ურთიერთობების კომპლექსურ საკითხებსა და პრობლემატიკას ნასწავლი კონცეპტუალური და თეორიული მიდგომების გამოყენებით. ახალი კვლევითი და ანალიტიკური მეთოდების გამოყენებით გეგმავს და უძღვება ინდივიდუალურ თუ ჯგუფურ კვლევით პროექტებს საერთაშორისო ურთიერთობების სფეროში, მათ შორის საერთაშორისო რეფერირებად ჟურნალში გამოქვეყნების მიზნით.

**სწავლის შედეგი 4:** ახდენს საკუთარი კვლევის შედეგების დემონსტრირებას ადგილობრივი და საერთაშორისო აუდიტორიისთვის, მონაწილეობს სამეცნიერო დისკუსიაში.

**პასუხისმგებლობა და ავტონომია**

**სწავლის შედეგი 5:** საერთაშორისო ურთიერთობების სფეროში, აკადემიურ ან/და პროფესიულ კონტექსტში, ახორციელებს უახლეს მიღწევებზე დამყარებულ კვლევით პროექტებს ან/და განვითარებაზე ორიენტირებულ ღონისძიებებს ხელმძღვანელობითი, აკადემიური ან/და პროფესიული კეთილსინდისიერების პრინციპების დაცვით.

**დასაქმების სფეროები:**

საერთაშორისო ურთიერთობების დოქტორს შეუძლია დაიკავოს შესაბამისი თანამდებობა სახელმწიფო სტრუქტურებში და უმაღლეს საგანმანათლებლო დაწესებულებებში, დადგენილი ნომენკლატურის მიხედვით. ამასთან, საერთაშორისო ურთიერთობების დოქტორები შეძლებენ პედაგოგიურთან ერთად, სამეცნიერო-კვლევითი და საექსპერტო საქმიანობის განხორციელებას, ასევე კონკურენტუნარიანები იქნებიან პროფესიაში მაღალი პოზიციების საპასუხისმგებლო თანამდებობების დასაკავებლად.

პროგრამის კურსდამთავრებული შეიძლება დასაქმდეს შემდეგი მიმართულებებით:

- სახელმწიფო ინსტიტუტები;
- საგანმანათლებლო დაწესებულებები;
- სამეცნიერო და კვლევითი დაწესებულებები;
- ანალიტიკური ცენტრები;
- საერთაშორისო სამთავრობო და არასამთავრობო ორგანიზაციები.

**სწავლის შედეგების მიღწევის ფორმები და მეთოდები**

- ლექცია       სემინარი       სამეცნიერო ნაშრომების ანალიზი
- პროექტი/რეფერატი       დამოუკიდებელი მუშაობა       სადოქტორო დისერტაცია /ნაშრომი

სწავლის პროცესში კონკრეტული სასწავლო კურსის სპეციფიკიდან გამომდინარე გამოიყენება სწავლების ისეთი მეთოდები, როგორებიცაა ვერბალური, ანუ ზეპირსიტყვიერი მეთოდი, წიგნზე მუშაობის მეთოდი, წერითი მუშაობის მეთოდი, დემონსტრირების მეთოდი, დისკუსია/დებატების მეთოდი, შემთხვევის ანალიზის (Case study) მეთოდი, ახსნა-განმარტებითი მეთოდი, პრობლემაზე დაფუძნებული სწავლების (PBL) მეთოდი, ევრისტიკული მეთოდი, გონებრივი იერიშის მეთოდი, სწავლების დედუქციური მეთოდი, ანალიზის მეთოდი, სინთეზის მეთოდი და სხვა. სწავლება-სწავლის პროცესში მეთოდები ერთმანეთს ავსებენ და ანაცვლებენ. კონკრეტული სასწავლო კურსის სწავლება-სწავლის მეთოდები ასახული იქნება შესაბამისი სასწავლო კურსის სილაბუსში.

**საერთაშორისო ურთიერთობების სადოქტორო პროგრამის განხორციელებაში მონაწილე პირები**

კავკასიის უნივერსიტეტის 2 პროფესორი, 1 ასოცირებული პროფესორი, 1 მოწვეული პროფესორი და 2 მოწვეული ლექტორი.

**საერთაშორისო ურთიერთობების სადოქტორო პროგრამის სხვა რესურსები**

კავკასიის უნივერსიტეტს და კავკასიის სახელმწიფო მართვის სკოლას გაფორმებული აქვს ურთიერთთანამშრომლობის მემორანდუმები საქართველოსა და უცხოეთის უმაღლეს სასწავლებლებთან, აგრეთვე სამთავრობო და არასამთავრობო ორგანიზაციებთან.

საერთაშორისო ურთიერთობების სადოქტორო პროგრამის სასწავლო გეგმა

№	სასწავლო კურსის/კომპონენტის კოდი	სასწავლო კურსი/კომპონენტი	დამუშავების წინაპირობა	კრედიტების რაოდენობა	ECTS კრედიტი					
					I წელი		II წელი		III წელი	
					სემესტრი					
					I	II	III	IV	V	VI
<b>სპეციალობის სავალდებულო კურსები</b>				<b>სულ 55</b>	30	25	0	0	0	0
1	PS 7250	სადოქტორო სემინარი			10					
2	AW 7150	აკადემიური წერა			5					
3	MPP 7150	თანამედროვე პოლიტიკური ფილოსოფია			5					
4	TM 7150	სწავლების მეთოდები			10					
5	IRT 7250	საერთაშორისო ურთიერთობების თეორია				10				
6	RM 7150	კვლევის მეთოდები				10				
7	TA 8150	პროფესორის ასისტირება	TM 7150			5				
<b>სპეციალობის არჩევითი კურსები</b>				<b>სულ 5</b>		5	0	0	0	0
8	CT 7150	კონფლიქტების მოგვარების თეორიები				5				
9	GCFP 7150	დიდი ქვეყნების საგარეო პოლიტიკა				5				
<b>სამეცნიერო კვლევითი კომპონენტი</b>										
10	OE 8150	დისერტაციის მომზადება და დაცვა	RM 7150 AW 7150 IRT 7150 PS 7250							
<b>სემესტრში</b>					<b>30</b>	<b>30</b>				
<b>წელიწადში</b>					<b>60</b>					